



Broj: 0101-13299-7/20

Sarajevo, 13. 04. 2021. godine

Na osnovu člana 70. stav (4) i člana 69. stav 1. tačka b) i stav 2. tačka e) Zakona o javnim nabavkama („Službeni glasnik BiH“ broj: 39/14) te člana 62. Statuta Univerziteta u Sarajevu, nakon provedenog otvorenog postupka za javnu nabavku Usluga – Usluge štampanja, te završene e-aukcije, na preporuku Komisije za javnu nabavku broj: 0101-13299-6/20 od 06. 04. 2021. godine, rektor Univerziteta u Sarajevu donio je

### **ODLUKU o poništenju postupka javne nabavke**

#### **Član 1.**

Prihvata se preporuka Komisije za provođenje postupka nabavke broj: 0101-13299-6/20 od 06. 04. 2021. godine i poništava postupak javne nabavke USLUGE ŠTAMPANJA, pokrenut Odlukom o pokretanju postupka javne nabavke broj: 0101- 13299-1/20 od 31. 12. 2020. godine, iz razloga što su cijene svih prihvatljivih ponuda znatno veće od osiguranih sredstava za predmetnu nabavku.

#### **Član 2.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka javne nabavke broj: 0101-13299-1/20 od 31. 12. 2020. godine Univerzitet u Sarajevu pokrenuo je otvoreni postupak za javnu nabavku Usluga – Usluge štampanja, za potrebe Univerziteta u Sarajevu.

Za provođenje postupka javne nabavke, Odlukom broj: 0101-13299-2/20 od 31. 12. 2020. godine imenovana je Komisija za provođenje predmetnog postupka javne nabavke.

Obavještenje o javnoj nabavci broj: 999-1-2-30-3-40/21 objavljeno je na Portalu javnih nabavki dana 23. 02. 2021. godine. Istog dana, na Portalu javnih nabavki objavljena je i Tenderska dokumentacija broj: 0101-13299-3/20. Sažetak obavještenja o javnoj nabavci broj: 999-1-2-30-3-40/21, objavljen je u „Službenom glasniku BiH“ broj: 13/21 od 05. 03. 2021. godine.

*Iz Izvještaja o preuzimanju tenderske dokumentacije, kreiranog sa Portala javnih nabavki vidljivo je da su, u periodu koji je ostavljen za dostavljanje ponuda (do 11. 03. 2021. godine), sa Portala javnih nabavki Tendersku dokumentaciju broj: 0101-13299-3/20 objavljenu dana 23. 02. 2021. godine preuzeli sljedeći potencijalni ponuđači: Coloris d.o.o., NV-Invest, Ekapija doo, BBS Europe, "Syjetlost-BH Print" d.o.o. Sarajevo, Facit doo, Off-set, Kopikomerc, Planjax komerc, Štamparija Fojnica dd Fojnica, VIP Design doo, Samas doo, Print-GS doo, Bobo Graf d.o.o., Mtel a.d. Banja luka, Murix doo, Grafičar d.o. o. Bihać, Printex, Unioninvestplastika d.d. Sarajevo, Blicdruk doo Sarajevo, Inelex d.o.o, Plan plus d.o.o., Print plus, Emado d.o.o. Sarajevo, Centar za razvoj medija i analize, A dizajn doo, Vegos doo Sarajevo, Intec d.o.o. Sarajevo, Intea BH d.o.o..*

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki, vidljivo je da u periodu koji je ostavljen za dostavljanje pitanja i odgovora, od strane potencijalnih ponuđača nije bilo postavljenih pitanja.

Od strane potencijalnih ponuđača nije bilo žalbi na Tendersku dokumentaciju.

Iz Zapisnika o otvaranju ponuda vidljivo je da je dana 11. 03. 2021. godine u 10:15 sati, Komisija za javnu nabavku, izvršila javno otvaranje blagovremeno dostavljenih ponuda sljedećih ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	Štamparija FOJNICA d.d. Fojnica, Prokoški put bb, 71270 Fojnica	0101-2438/21	10.03. 2021. godine 11:20
2.	PRINT-GS d.o.o. Travnik, Slimena bb, 72270 Travnik	0101-2462/21	11. 03. 2021. godine u 08:40
3.	INTEA BH d.o.o., Srđana Aleksića 22, 71000 Sarajevo	0101-2465/21	11. 03. 2021. godine u 09:30

U Zapisniku o otvaranju ponuda konstatovano je da nije bilo neblagovremenih ponuda. Na javnom otvaranju ponuda nije bilo prisutnih predstavnika ponuđača, a od strane članova Komisije i ostalih prisutnih nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda ponuđačima je poslat putem pošte.

Komisija za provođenje postupka nabavke je u Zapisniku o otvaranju ponuda sačinila sažetak ponuda primljenih u roku, prema redoslijedu prijema:

R.br.	Naziv i sjedište ponuđača	Ponuđeni popust	Ukupna cijena ponude
1.	Štamparija FOJNICA d.d. Fojnica, Prokoški put bb, 71270 Fojnica	0,00	102.857,50 KM bez PDV-a 120.343,27 KM sa PDV-om
2.	PRINT-GS d.o.o. Travnik, Slimena bb, 72270 Travnik	0,00	147.446,47 KM bez PDV-a 172.512,36 KM sa PDV-om
3.	INTEA BH d.o.o., Srđana Aleksića 22, 71000 Sarajevo	0,00	137.555,20 KM bez PDV-a 160.939,60 KM sa PDV-om

Komisija za javnu nabavku je nakon provjere računске ispravnosti dostavljenih ponuda utvrdila da u ponudama ponuđača Štamparija FOJNICA d.d. Fojnica, PRINT-GS d.o.o. Travnik i INTEA BH d.o.o., nije bilo računskih grešaka, te da su ponude ponuđača računski ispravne.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponuda, Komisija je utvrdila da je ponuđač Štamparija FOJNICA d.d. Fojnica, Prokoški put bb, 71270 Fojnica, dostavio potvrdu Vanjskotrgovinske komore Bosne i Hercegovine kojom se potvrđuje da usluge iz predmeta nabavke zadovoljavaju uvjete za izdavanje certifikata o bh porijeklu, pa je Komisija konstatovala da se na ponudu ponuđača Štamparija FOJNICA d.d. Fojnica primjenjuje preferencijalni tretman domaćeg. Također, Komisija je konstatovala da ponuđači PRINT-GS d.o.o. Travnik i INTEA BH d.o.o. nisu dostavili potvrdu kojom se potvrđuje da usluge

iz predmeta nabavke zadovoljavaju uvjete za izdavanje certifikata o bh porijeklu, te da se na iste ne primjenjuje preferencijalni tretman domaćeg.

Iz Zapisnika Komisije za javnu nabavku vidljivo je da je Komisija započela sa pregledom ponuda dana 11. 03. 2021. godine, kako bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude, te da li su kvalifikovani za nabavku predmetne robe.

Iz Zapisnika o pregledu i ocjeni ponuda vidljivo je da je Komisija za provođenje postupka javne nabavke, u toku evaluacije ponude ponuđača PRINT-GS d.o.o. Travnik, Slimena bb, 72270 Travnik, analizom traženih i dostavljenih dokumenata utvrdila da u okviru Obrasca za ponudu – Prilog I ponuđač u tački 5. navodi rok važenja ponude 60 (šezdeset) dana tj. do 11. 05. 2021. godine, da ponuđač nije dostavio uvjerenje o poreznoj registraciji sa ID brojem ponuđača, kao i da u dostavljenoj Potvrdi o solventnosti stoji da je račun ponuđača PRINT-GS d.o.o. Travnik solventan, aktivan i da nije bio blokiran u periodu od posljednjih 6 (šest) mjeseci.

Komisija je dalje u Zapisniku o pregledu i ocjeni ponuda navela i sljedeće:

Tačkom 24. Tenderske dokumentacije Ugovorni organ utvrdio je period važenja ponude 90 (devedeset) dana, računajući od dana isteka roka za dostavljanje ponuda, kao i da će u slučaju da je period važenja ponude kraći od perioda navedenog u Tenderskoj dokumentaciji, Ugovorni organ odbiti takvu ponudu u skladu sa *članom 60. Zakona o javnim nabavkama*.

U Tački 13. podtačka 13.2. Tenderske dokumentacije utvrđeno je da ponuđač u svrhu dokaza o ispunjavanju uslova sposobnosti obavljanja profesionalne djelatnosti propisanih članom 46. Zakona, u ponudi dostavlja uvjerenje o poreznoj registraciji sa ID brojem ponuđača. Dalje je utvrđeno da u slučaju da se u ponudi ne dostave navedeni dokumenti u vezi sposobnosti obavljanja profesionalne djelatnosti ponuđača (*član 46. Zakona*) ili se ne dostave na način kako je tenderskom dokumentacijom traženo, ponuđač će biti isključen iz daljnjeg učešća zbog neispunjavanja navedenog uslova za kvalifikaciju.

U Tački 13. podtačka 13.3. Tenderske dokumentacije utvrđeno je da ponuđač u svrhu dokaza o ispunjavanju uslova ekonomske i finansijske sposobnosti propisanih članom 47. Zakona dostavlja uvjerenje/potvrdu poslovne banke ponuđača kojom dokazuje da transakcijski račun ponuđača nije bio blokiran u posljednjih 12 (dvanaest) mjeseci.

Prema svemu naprijed utvrđenom, Komisija za provođenje postupka javne nabavke je primjenom odredbi *Zakona o javnim nabavkama* i *Uputstva za pripremu modela tenderske dokumentacije i ponuda*: član 2. stav 1. tačka l) prema kojem ponuda može biti neprihvatljiva ukoliko ne ispunjava uslove tražene tenderskom dokumentacijom, član 44. stav 6. prema kojem je samo onim ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno da nastave postupak javne nabavke, član 57. stav 1. prema kojem se ponuđač u postupku javne nabavke pridržava zahtjeva i uslova iz tenderske dokumentacije, član 68. stav 1. *Zakona o javnim nabavkama* prema kojem ugovorni organ odbacuje ponudu u slučaju da ponuđač nije dostavio tražene dokaze kao dokaz ispunjavanja uslova iz člana 45. do 51. Zakona, te član 16. *Uputstva za pripremu modela tenderske dokumentacije i ponuda* prema kojem postupak pregleda i ocjene ponuda obavlja komisija za javne nabavke na osnovu uslova i zahtjeva iz tenderske dokumentacije, ponudu ponuđača PRINT-GS d.o.o. Travnik, Slimena bb, 72270 Travnik, ocijenila kao neprihvatljivu.

Komisija za javnu nabavku ocijenila je da ponude ponuđača Štamparija FOJNICA d.d. Fojnica, Prokoški put bb, 71270 Fojnica i INTEA BH d.o.o., Srđana Aleksića 22, 71000 Sarajevo ispunjavaju sve uslove za kvalifikaciju tražene Tenderskom dokumentacijom, pa je ponude ocijenila kao prihvatljive.

S obzirom da je za predmetnu nabavku Ugovorni organ, u Tenderskoj dokumentaciji broj: 0101-13299-3/20 objavljenoj dana 23. 02. 2021. godine i Obavještenju o nabavci broj: 999-1-2-30-3-40/21 od 23. 02. 2021. godine, predvidio provođenje e-aukcije kroz sistem e-nabavke, Komisija je u skladu sa podzakonskim aktima, dana 16. 03. 2021. godine, kroz sistem e-nabavke zakazala održavanje e-aukcije za kvalificirane ponuđače za dan 18. 03. 2021. godine sa početkom u 13:00:00 sati.

Komisija za nabavku sačinila je početnu rang listu ponuđača koji su pozvani da učestvuju u e-aukciji:

R.br.	Naziv i sjedište ponuđača	IDB/JIB	Početna cijena u KM bez PDV-a	Rang
1.	Štamparija FOJNICA d.d. Fojnica, Prokoški put bb, 71270 Fojnica	4236045660000	*102.857,50KM bez PDV-a	1
2.	INTEA BH d.o.o., Srđana Aleksića 22, 71000 Sarajevo	4201872630007	137.555,20 KM KM bez PDV-a	2

**\*Označava cijenu na koju se primjenjuje preferencijalni tretman domaćeg**

Iz Izvještaja o toku i završetku e-aukcije, koji je generisan iz sistema javnih nabavki dana 18. 03. 2021. godine, vidljivo je da je e-aukcija započela dana 18. 03. 2021. godine u 13:00:00 sati, te okončana istog dana u 13:10:00 sati.

Izvještaj o toku i završetku e-aukcije nalazi se u prilogu Zapisnika o pregledu i ocjeni ponuda.

Iz Izvještaja je vidljivo da nije bilo podnošenja ponuda od strane ponuđača.

Iz Izvještaja o toku i završetku e-aukcije vidljiva je konačna rang lista ponuđača koji su učestvovali u e-aukciji (nakon završetka e-aukcije):

R.br.	Naziv i sjedište ponuđača	IDB/JIB	Konačna cijena u KM bez PDV-a	Rang
1.	Štamparija FOJNICA d.d. Fojnica, Prokoški put bb, 71270 Fojnica	4236045660000	*102.857,50KM bez PDV-a	1
2.	INTEA BH d.o.o., Srđana Aleksića 22, 71000 Sarajevo	4201872630007	137.555,20 KM KM bez PDV-a	2

**\*Označava cijenu na koju se primjenjuje preferencijalni tretman domaćeg**

Komisija za javnu nabavku je nakon završetka e-aukcije, na osnovu Izvještaja o toku i završetku e-aukcije, konstatovala da je najniža cijena ponuđača Štamparija FOJNICA d.d. Fojnica, Prokoški put bb, 71270 Fojnica, čija konačna cijena ponude iznosi 102.857,50 KM bez PDV-a (slovima: *stotinudvijehiljadeosamstotinapedesetsedamkonvertibilnihmaraka i 50/100*).

S obzirom da je i najniža ponuđena cijena, znatno iznad procijenjene vrijednosti predmetne nabavke, Komisija za provođenje postupka javne nabavke dala je preporuku rektoru Univerziteta u Sarajevu da u skladu sa članom 69. stav 1. tačka b) i stav 2. tačka e) Zakona o javnim nabavkama, donese odluku o poništenju postupka javne nabavke Usluga štampanja.

Iz naprijed navedenih razloga, primjenom člana 69. stav (1) tačka b) i stav (2) tačka e) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

**REKTOR**

  
**prof. dr. Rifat Škrijel**



Dostaviti:

1. Štamparija FOJNICA d.d. Fojnica, Prokoški put bb, 71270 Fojnica
2. INTEA BH d.o.o., Srđana Aleksića 22, 71000 Sarajevo
3. PRINT-GS d.o.o. Travnik, Slimena bb, 72270 Travnik
4. Služba za javne nabavke
5. Služba za računovodstvo i finansije
- ⑥ web stranica UNSA
7. a/a

Prilog: Zapisnik o pregledu i ocjeni ponuda